



**Resolución do 07 de marzo de 2019 da Dirección Xeral de Desenvolvemento Pesqueiro pola que se convoca un curso de certificado de especialidade de Operador/a Restringido do Sistema Mundial de Socorro e Seguridade Marítima (SMSSM) na confraría de Lourizán. Acción formativa financiada nun 75% polo Fondo Europeo Marítimo e de Pesca (FEMP) na medida 1.6.1. no marco do Programa Operativo para España do FEMP 2014-2020**

**Antecedentes**

Recibida a solicitude realizada pola confraría de Lourizán de autorización, por parte da Dirección Xeral de Desenvolvemento Pesqueiro, para impartir un curso de certificado de especialidade de Operador/a Restringido do Sistema Mundial de Socorro e Seguridade Marítima (SMSSM), e tendo en conta as seguintes consideracións legais.

**Consideracións legais**

- Os Reais decretos 4189/1982, do 29 de decembro, 1283/1987 do 2 de outubro, 1378/1997 do 29 de agosto e 1749/1999 do 19 de novembro, ao abeiro das normas constitucionais, estatutarias e legais correspondentes, que traspasa á Comunidade Autónoma de Galicia, funcións e servizos da Administración do Estado en materia de ensinanzas profesionais náutico-pesqueiras
- Orde FOM/2296/2002, do 4 de setembro, polo que se regulan os programas de formación dos títulos profesionais de mariñeiros de ponte e de máquinas da Mariña Mercante e de patrón portuario, así como os certificados de especialidade acreditativos da competencia profesional
- Resolución do 18 de xuño de 2013 da Dirección Xeral da Mariña Mercante, pola que se actualizan e modifican os cursos de formación e os seus programas, recollidos na Orde FOM/2296/2002, do 4 de setembro
- O Decreto 168/2015, do 13 de novembro, polo que se aproba a estrutura orgánica da Consellería do Mar, indica que a Dirección Xeral de Desenvolvemento Pesqueiro terá ao seu cargo a ordenación, dirección e coordinación das atribucións que ten asumidas a consellería en materia de ensino e titulacións náutico-pesqueiras, modificado polo Decreto 39/2018, do 5 de abril
- Regulamento (UE) núm. 508/2014 do Parlamento Europeo e do Consello de 15 de maio de 2014, relativo ao Fondo Europeo Marítimo e de Pesca, e polo que se derogan os Regulamentos (CE) núm. 2328/2003, (CE) núm. 861/2006, (CE) núm. 1198/2006 e (CE) núm. 791/2007 do Consello, e o Regulamento (UE) núm. 1255/2011 do Parlamento Europeo e do Consello

Visto o exposto, esta dirección xeral ao abeiro das súas competencias, RESOLVE,

Convocar un curso de certificado de especialidade de Operador/a Restringido do Sistema Mundial de Socorro e Seguridade Marítima (SMSSM) para a confraría de Lourizán, baixo as seguintes condicións:

**Primeira.** A entidade facilitará as instalacións e medios precisos para o desenvolvemento do curso.



 <p>CONFRARÍA DE PESCADORES DE «SAN ANDRÉS DE LOURIZÁN»</p>	
<p><b>ENTRADA</b></p> <p>N.º 058</p> <p>Data 08 MAR. 2019</p>	<p><b>SAIDA</b></p> <p>N.º .....</p> <p>Data .....</p>





**Segunda.** As persoas aspirantes a realizar o curso deberán presentar a seguinte documentación:

- Solicitud de Anexo I
- Fotocopia compulsada do NIF
- Fotocopia compulsada da tarxeta profesional ou vida laboral ou calquera outro documento que acredite o exercicio da actividade na pesca. As parellas de feito e os/as cónxuxes dos/as pescadores/as autónomos deberán demostrar esta condición segundo a normativa vixente.

**Terceira.** As datas de realización do curso serán do 08/04/2019 ao 22/04/2019, e a súa duración non será inferior a 40 horas lectivas.

**Cuarta.** O curso poderá ser inspeccionado e supervisado por persoal funcionario da Consellería do Mar.

**Quinta.** O alumnado deberá asistir con regularidade as clases e non superar nun 10% a cota de faltas da carga lectiva.

Contra esta resolución, que non esgota a vía administrativa, poderase interpoñer recurso de alzada perante a consellería do Mar, no prazo dun mes, desde a notificación da presente resolución, segundo se dispón nos artigos 121 e 122 da Lei 39/2015, do 1 de outubro, do procedemento administrativo común das administracións públicas.

Santiago de Compostela,  
A directora xeral de Desenvolvemento Pesqueiro

Susana Rodríguez Carballo

**CONFRARÍA DE LOURIZÁN**

 **Xacobeo 2021**

